

Աստուծոյ ողորմութեամբ տարի մը եւս բոլորեց Աւագներու մեր խումբը: Օգի նպաստաւոր շրջաններուն ունեցած ենք մեր հերթական ժողովները, որոնց ընթացքին իրարու ընկերակցութիւնը վայելած ենք, հաճելի ժամանց ունեցած ենք, շահեկան նիւթերու եւ մեր կեանքի պարագաներուն մասին խօսակցութիւններունեցածենք եւ մանաւանդ մեր իրարու քով գալը արժեցնող օգտակար եւ հետաքրքրական դասախօսութիւններ լսած ենք մեր սիրելի Հովիւէն: Արդէն իրեն կը պարտինք մեր Խումբի գոյութիւնը. ան է որ ամէն անգամ իր մեքենայով կուգայ մեզի՝ փոխադրելու մեր Եկեղեցին, ուր Կ'ուսենաք մեր այս հոգեպարար հանդիպումները:

Մենք երախտապարտ ենք Տէր Հօր, ինչպէս նաեւ շնորհակալ ենք այն ազնիւ տիկիներուն, որոնք նեցուկ կեցած Տէր Հօրը, իրենք եւս ներկայ կ'ըլլան օգնելու համար փոխադրութեան, ինչպէս նաեւ հիւրասիրութեան մէջ: Անոնք են. Տիկ. Այիտա Բիզանի, Տիկ. Անահիտ Զուխաշեան եւ Տիկ. Նոյեմ Փօլատեան:

Մեր կարողութեան չափով ջանացած ենք օգտակար ըլլալ մեր Եկեղեցւոյ ու մասնակցիլ անոր կեանքին ու գործունէութեանց: Մեծ Պահոց ընթացքին մենք եւս բեժին առինք Ուրբաթ օր մը ճաշ հայթայթելու եւ մասնակցելու երեկոյեան պաշտամունքին ու յայտագրին: Ուրիշ ատեն ալ հերթական մեր ժողովներէն գոյացած անդամավճարով, ինչպէս նաեւ ուտեստեղէններու վաճառումով մեր գանձին մէջ գոյացած է աւելի քան 1,000 տոլար ներկայիս:

Տարուան սկիզբը Տիկ. Նուարդ Յակոբեանի մահը սգացինք:

Այս տարի ալ մեր խումբի ատենապետութիւնը շարունակեց Տիկ. Ադաւնի Սահակեան, ատենադպրութիւնը Տիկ. Սրբուհի Թորոսեան եւ գանձապահի պաշտօնն ալ Տիկ. Մինա Մանուկեան:

Ադաւնի Սահակեան
Ատենադպր